

SPICILEGIUM HISTORICUM

Congregationis SSmi Redemptoris

Annus VIII

1960

Fasc. 2

AD ALTERUM FASCICULUM ANNI 1960

PRAEVIA VERBA

Maius quoddam nostrum incoeptum, nempe de « Sacris Missionibus », uti de primario nostri Instituti proposito, saepius in hoc « Spicilegio » tractandi, hoc fasciculo resumimus (1). Maximam proinde partem fasciculi « Missionibus ad populum » illustrandis reservavimus.

Cum autem iam a tempore parata esset atque etiam typis conscripta editio trium antiquissimarum biographiarum S.i Gerardi Maiella, quae hucusque in archivis latebant, non iam amplius cunctandum esse censuimus, et has « vitas », maximi momenti pro studio vitae sancti nostri Fratris, primo loco ponimus, reliquo toto spatio, uti diximus, « Missionibus » adtributo.

Debitum denique defuncto Rectori Maiori emerito, R.mo P.i Patricio Murray historicum monumentum, cui iam a tempore adlaboramus, ad proximum primum fasciculum anni 1961 remittimus, hac praecipue ratione, quod interea in nostro « Spicilegio » publicandam obtinuimus primam partem maioris biographiae illustris defuncti, a RP.e R. Culhane paratae, ita ut maiore spatio indigeamus eo quod nobis hoc anno praesto sit.

SOCII REDACTIONIS

(1) Cfr *Spic. Hist.* 2 (1954) 87-104; 4 (1956) 25-67, 280-339; 8 (1960) 3-39.